

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 095332 22 K
Visoko, 29.04.2025. godine

U IME FEDERACIJE BOSNE I HERCEGOVINE!

Općinski sud u Visokom, sudija Miroslav Savić, sa zapisničarem Jasminom Salošević, u krivičnom predmetu protiv optuženog A.M., zbog produženog krivično djelo neovlašćena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH u sticaju sa krivičnim djelom iz člana 52. ZONDINOM i krivičnim djelom sprečavanje službene osobe u vršenju službene radnje iz člana 358. stav 1. u vezi sa članom 28. KZ F BiH, sve u vezi sa članom 54 KZ F BiH, rješavajući po optužnici Kantonalnog tužilaštva Zenica broj T04 0 KT 0048323 22 od 03.06.2022. godine, potvrđena dana 06.06.2022. godine, nakon javnog i glavnog pretresa održanog dana 25.04.2025. godine, kojem su prisustvovali kantonalni tužilac Ešref Sikira, optuženi i njegov branilac po službenoj dužnosti advokat Zahid Hadžić, donio, a dana 29.04.2025. godine, javno objavio sljedeću:

P R E S U D U

OPTUŽENI A.M., sin S. i majke F. rođene B., rođen ... godine u S., nastanjen u mjestu A. bb, grad V., po narodnosti Bošnjak, državljanin BiH, JMB: ..., pismen, sa završenom SSS, po zanimanju mehaničar računarske tehnike i automatike, oženjen, otac dvoje mladb. djece, srednjeg imovnog stanja, vojsku nije služio, osuđivan Presudom Općinskog suda u Kaknju broj: 36 0 K 000598 08 K pravosnažna sa danom 27.03.2009. godine za krivično djelo iz člana 336. stav 3. u vezi sa članom 332. stav 3. KZ F BiH na kaznu zatvora u trajanju od 6 mjeseci, uslovno na 1 godinu, Presudom Općinskog suda u Visokom broj: 41 0 K 017351 10 K pravosnažna sa danom 03.09.2010. godine za krivično djelo iz člana 239. stav 3. KZ F BiH na kaznu zatvora u trajanju od 3 mjeseca, uslovno na 1 godinu,

KRIV JE

I

1. Dana 14.11.2021. godine, na području grada Visoko, suprotno odredbama člana 4 stav 1, 2, 3 i 5 u vezi sa članom 19. i članom 20. Zakona o sprečavanju i suzbijanju zloupotrebe opojnih droga BiH, M.L., iako je bio svjestan da je prodaja opojne droge zabranjena zakonom, to je i htio, pa je neovlašteno prodao opojnu drogu A.M., koji je svjestan da radi prodaje kupuje opojnu drogu, što je i htio, te prilikom kontrole pmv marke „Mercedes“ reg. oznaka ..., od strane ovlaštenih službenih lica PS Visoko, u mjestu Mulići, da bi sakrio tragove krivičnog djela, dva pakovanja sa sadržajem suhe zeljaste materije i jedno pakovanje sa sadržajem bijele praškaste materije, koji svojim izgledom asociraju na opojnu drogu stavio u usta, a potom, svjestan da je zaustavljen i kontrolisan od strane ovlaštenih službenih lica PS Visoko u vršenju službene radnje, pokušao spriječiti policijskog službenika PS Visoko H.M., na način da se istom obratio povišenim tonom s namjerom da se fizički obračuna i udari navedenog policajca, u kojoj namjeri je brzom intervencijom policijskih službenika spriječen i lišen slobode, a potom izvršen i pretres osumnjičenog A.M., kojom prilikom je pronađeno više

pakovanja sa sadržajem bijele praškaste materije koja svojim izgledom asocira na opojnu drogu, koja mu je i oduzeta,

2. Tokom mjeseca januara i aprila 2021. godine i to u dane: 12.01., 14.01. i 02.04.2021. godine, na području grada Visoko, suprotno odredbama člana 4 stav 1, 2, 3 i 5 u vezi sa članom 19. i članom 20. Zakona o sprečavanju i suzbijanju zloupotrebe opojnih droga BiH, M.L., iako je bio svjestan da je prodaja opojne droge zabranjena zakonom, to je i htio, pa je neovlašteno prodavao A.M., neutvrđene količine opojne droge na način da je A.M. nakon prethodnih dogovora ostvarenih putem svog mobilnog telefona sa M.L., dolazio na adresu stanovanja istog ili na druge prethodno dogovorene lokacije, kada je od istoga neovlašteno radi dalje prodaje kupovao opojnu drogu koju drogu je dalje lično prodavao krajnjim konzumentima,

II

1. dana 14.11.2021. godine u Visokom, suprotno odredbama člana 4 stav 1, 2, 3 i 5 u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je posjedovanje zakonom zabranjeno, to i htio, pa je neovlašteno radi dalje prodaje posjedovao svijetlo žutu i žutu materiju mase 10,768 grama upakovana u 20 pvc paketića za koju je vještačenjem utvrđeno da sadrži psihoaktivnu komponentu „amfetamin“ poznatiju kao opojna droga „speed“, koja droga je pod rednim brojem 1 „Liste psihotropnih tvari“ iz tabele II/2 „Tvari i biljke pod strogom kontrolom“ proglašena takvom, zatim zelenu biljnu materiju mase 29,394 grama upakovana u 2 žuta pvc paketića, u 2 pvc vrećice i u smeđoj staklenoj bočici, za koju je vještačenjem utvrđeno da sadrži „tetrahidrokanabinol“ te predstavlja opojnu drogu „cannabis“, poznatiju kao opojna droga „marihuana“, koja droga je pod rednim brojem 13 „Liste opojnih droga“ iz Tabele I/1 „Zabranjene tvari i biljke“ i pod rednim brojem 26 Lista psihotropnih tvari iz Tabele I/2 „Zabranjene tvari i biljke“ proglašena takvom, te tragove opojne droge u pvc šprici za koju je utvrđeno da sadrži psihotropnu supstancu „tetrahidrokanabinol“, dok je na digitalnoj sivoj vagi utvrđena prisutnost „tetrahidrokanabinola“ i „kanabinoida“, a koja droga, digitalna vaga i šprica su mu pronađeni prilikom pretresa kuće i pomoćnih objekata po Naredbi Općinskog suda Visoko broj: 08-02-09/1-48/21 od 14.11.2021. godine,
2. dana 14.11.2021. godine u Visokom, suprotno odredbama člana 5. stav 1. tačke a) a u vezi sa članom 6a tačke b) i u vezi sa članom 6b stav 1. tačke b) Zakona o nabavljanju, držanju i nošenju oružja i municije ZE-DO kantona, iako je bio svjestan da nema odobrenje za držanje oružja i municije, to je i htio, pa je bez odobrenja držao: prepravljeni pištolj turskog proizvođača „Zoraki“ model 917 call 9 mm P.A.K., u kojem se nalazio okvir sa 4 metka kalibra 380 AUTO (9x17 mm), tzv. „kratka devetka“, koji se koriste za poluautomatske pištolje tog kalibra, a koji pištolj i municija su mu pronađeni prilikom pretresa pmv marke „Mercedes“ reg. oznaka ..., po naredbi Općinskog suda u Visokom broj: broj: 08-02-09/1-48/21 od 14.11.2021. godine,
3. dana 10.03.2022. godine, u Visokom, suprotno odredbama člana 4. stav 1., 2., 3. i 5. i člana 19. Zakona o sprečavanju i suzbijanju zloupotrebe opojnih droga u BiH, iako je bio svjestan da je zakonom zabranjeno radi prodaje držanje opojne droge, to i htio, pa je kod sebe radi dalje neovlaštene prodaje držao: dva pvc paketića sa sadržajem biljne materije neto mase 1,064 grama i 0,552 grama, za koju je vještačenjem utvrđeno da

sadrži psihoaktivnu komponentu „tetrahidrokanabinol“ te predstavlja opojnu drogu „cannabis“, poznatiju kao opojna droga „marihuana“, koja droga je pod rednim brojem 13 „Liste opojnih droga“ iz Tabele I/1 „Zabranjene tvari i biljke“ i pod rednim brojem 26 Lista psihotropnih tvari iz Tabele I/2 „Zabranjene tvari i biljke“ proglašena takvom, koja droga je pronađena od strane policijskih službenika MUP-a Ze-Do kantona prilikom pretresa porodične kuće u mjestu A. broj ..., grad V., postupajući po Naredbi Općinskog suda u Visokom broj 41 0 K 092102 22 Kpp od 04.03.2022. godine,

produženog krivično djelo neovlašćena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH u sticaju sa krivičnim djelom iz člana 52. ZONDINOM i krivičnim djelom sprečavanje službene osobe u vršenju službene radnje iz člana 358. stav 1. u vezi sa članom 28. KZ F BiH,

Pa mu sud primjenom istih zakonskih propisa, te uz primjenu člana 42., 43., 49., 54. i 55. Krivičnog zakona FBiH utvrđuje:

- za produženo krivično djelo neovlašćena proizvodnja i stavljanje u promet opojnih droga iz člana 238. stav 1. KZ FBiH, kaznu zatvora u trajanju od 10 (deset) mjeseci,
- za krivično djelo iz člana 52. ZONDINOM kaznu zatvora u trajanju od 2 (dva) mjeseca,
- za krivično djelo iz člana 358. stav 1. u vezi sa članom 28. KZ F BiH kaznu zatvora u trajanju od 2 (dva) mjeseca,

Pa sud primjenom istih zakonskih propisa, te uz primjenu člana 42., 43., 49., 54. Krivičnog zakona FBiH

OPTUŽENOG OSUĐUJE NA JEDINSTVENU KAZNU ZATVORA U TRAJANJU 1 (JEDNE) GODINE

Optuženom se izriče na osnovu člana 78. i 238. KZ FBiH sigurnosna mjera oduzimanje opojne droge „amfetamin“ neto mase 2,754 grama, neto mase 2,802 grama i neto mase 3,005 grama, i opojna droga „tetrahidrokanabinol-cannabis“ neto mase 2,845 grama, 3,690 grama, 18,679 grama, 4,087 grama i 0,477 grama, koju će po pravosnažnosti uništiti PS Visoko.

Na osnovu člana 78. KZ FBiH optuženom se izriče sigurnosna mjera oduzimanje predmeta mobilni telefon, marke "SAMSUNG model "SM-A205 FN", IMEI: ... i IMEI: ..., sa SIM karticama, korisničkih brojeva: ... i ... i mobilni telefon, marke 'ALCATEL ', One touch, M7, IMEI: ... bez ustupljenog korisničkog broja,

Na osnovu člana 78. KZ F BiH i člana 52. stav 2. Zakona o nabavljanju, držanju i nošenju oružja i municije ZDK optuženom se izriče mjera sigurnosti oduzimanja oružja i to: jedan prepravljeni gasni pištolj turskog proizvođača „Zoraki“ model 917 kalibra 9 mm, P.A.K.

Na osnovu člana 202. stav 4. ZKP FBiH troškovi krivičnog postupka padaju na teret budžetskih sredstava.

Obrazloženje

Kantonalno tužilaštvo Zeničko-dobojskog kantona Zenica je T04 0 KT 0048323 22 od 03.06.2022. godine, potvrđena dana 06.06.2022. godine, je optužilo M.L., H.D., H. S., A.M. i

Š.S.. Predmetnom optužnicom A.M. optužen je, da je radnjama opisanim u izreci presude, zbog produženog krivično djelo neovlašćena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH u sticaju sa krivičnim djelom iz člana 52. ZONDINOM i krivičnim djelom sprečavanje službene osobe u vršenju službene radnje iz člana 358. stav 1. u vezi sa članom 28. KZ F BiH, sve u vezi sa članom 54 KZ F BiH, rješavajući po optužnici Kantonalnog tužilaštva Zenica broj T04 0 KT 0048323 22 od 03.06.2022. godine.

Rješenjem ovog suda broj 41 0 K 095332 22 K od 27.12.2023. godine, određeno je da se prekida se krivični protiv optuženog A.M., jer je u svom nalazu i mišljenju vještak medicinske struke od 02.10.2023. godine, specijalista neuropsihijatr Hidajet dr Jabandžić, je na osnovu uvida u dokumentaciju, te obavljenog psihičkog intervjua sa optuženim A.M., dao mišljenje da njegovo stanje odgovara kliničkoj slici F32.2 (akutni psihotični poremećaj nalik na Shizofreniju), pa u takvom stanju imenovani nije sposoban da učestvuje u sudskom postupku s obzirom na prisutno bolesno, sumanuto razmišljanje, halicinatorna doživljavanja i sl.

Odlukom suda broj 41 0 K 095332 22 K od 20.01.2025. godine, određen je nastavak postupka s obzirom da je od strane vještaka G.L. utvrđeno da je optuženi, i pored ustanovljene dijagnoze, sposoban da učestvuje u postupku.

Na glavnom pretresu održanom dana 25.04.2025. godine, optuženi je, nakon konsultacija sa braniocem, izjavio da u cjelosti priznaje izvršenje krivičnog djela koje mu se optužnicom stavlja na teret.

S obzirom da je optuženi u cjelosti priznao izvršenje krivičnog djela sud je u smislu člana 280. ZKP FBiH, izvršio uvid u materijalne dokaze tužilaštva i to Zapisnik o saslušanju svjedoka L.K. Kantonalno tužilaštvo broj T04 0 KT 0048323 22 od 27.05.2022. godine, Zapisnik o saslušanju svjedoka O.J. PS Visoko broj: 08-02-09/1-40/22 od 18.01.2022. godine, Zapisnik o saslušanju svjedoka H.M. PS Visoko broj: 08-02-09/1-89/22 od 02.02.2022. godine, Doslovni zapisnik uz sažetak razgovora (Mreža 4), 25-2 sa korisnikom mobilnog broja ..., redni broj „218“, Doslovni zapisnik uz sažetak razgovora (Mreža 4), 25-2 sa korisnikom mobilnog broja ..., redni broj „267“, Doslovni zapisnik uz sažetak razgovora (Mreža 4), 25-2 sa korisnikom mobilnog broja ..., redni broj „14“, Doslovni zapisnik uz sažetak razgovora (Mreža 4), 25-2 sa korisnikom mobilnog broja ..., redni broj „20“, Naredba za pretresanje stana, lica, objekata, predmeta i privremeno oduzimanje predmeta PS Visoko broj: 08-02-09/1-48/21 od 14.11.2021. godine, Zapisnik o pretresanju osobe PS Visoko broj: 08-02-09/1-sl/21 od 14.11.2021. godine, Izvještaj o izvršenom pretresu lica bez naredbe PS Visoko broj: 08-02-09/1-sl/21 od 14.11.2021. godine, Potvrda o privremenom oduzimanju predmeta PS Visoko broj: 08-02-09/1-170/21 od 14.11.2021. godine na ime A.M., Zapisnik o pretresanju stana, drugih prostorija i pokretnih stvari PS Visoko broj 08-02-09/1-48/21 od 14.11.2021. godine, Zapisnik o pretresanju stana, drugih prostorija i pokretnih stvari PS Visoko broj 08-02-09/1-48-1/21 od 14.11.2021. godine, Potvrda o privremenom oduzimanju predmeta PS Visoko broj: 08-02-09/1-168/21 od 14.11.2021. godine na ime A.M., Potvrda o privremenom oduzimanju predmeta PS Visoko broj: 08-02-09/1-169/21 od 14.11.2021. godine na ime A.M., Zapisnik o otvaranju i pregledu privremeno oduzetih predmeta i dokumentacije PS Visoko broj: 08-02-09/1-330/21 od 29.11.2021. godine, Naredba za vještačenje Kantonalnog tužilaštva ZDK broj: T04 0 KTA 0047225 21 od 23.11.2021. godine, Službena zabilješka PS Visoko broj: 08-02-09/1-224/21 od 14.11.2021. godine, fotodokumentacija otvaranje privremeno oduzetih predmeta PS Visoko broj 08-02-09/1-330-1/21 od 29.11.2021. godine sa datumom izrade 21.02.2022. godine, fotodokumentacija pretres lica A.M., pmv i kuće PS Visoko broj

08-02-09/1-330/21 od 14.11.2021. godine sa datumom izrade 21.02.2022. godine, Naredba za pretresanje Općinski sud Visoko broj: 41 O K 092102 22 Kpp od 04.03.2022. godine, Zapisnik o pretresanju stana, drugih prostorija i pokretnih stvari MUP ZDK Uprava policije broj: 08-02-03/4-1/22 od 10.03.2022. godine Potvrda o privremenom oduzimanju predmeta MUP ZDK Uprava policije Sektor krim policije broj: 69/08-02-03/4-1/22 od 10.03.2022. godine, zapisnik o pretresanju pokretnih stvari MUP Zenica Uprava policije Sektor krim policije broj: 08-02-03/4-3/22 od 10.03.2022. godine, Zapisnik o otvaranju i pregledu privremeno oduzetih predmeta broj: 08-02-03/08/22 od 10.03.2022. godine, Naredba za vještačenje pokretnih stvari Kantonalnog tužilaštva ZDK broj: T04 O KT 0048323 22 od 21.03.2022. godine, Naredba za vještačenje Kantonalnog tužilaštva ZDK broj: T04 O KT 0048323 22 od 24.03.2022. godine, fotodokumentacija pretres A.M. PS Visoko broj 08/22 od 10.03.2022. godine sa datumom izrade 25.03.2022. godine, Naredba Općinskog suda u Zenici broj: 43 O K 185672 20 Kpp 6 od 30.11.2020. godine, Naredba Općinskog suda u Zenici broj: 43 O K 185672 20 Kpp 7 od 30.12.2020. godine, Naredba Općinskog suda u Zenici broj: 43 O K 185672 20 Kpp 8 od 28.01.2021. godine, Naredba Općinskog suda u Zenici broj: 43 O K 185672 20 Kpp 9 od 25.02.2021. godine, Naredba Općinskog suda u Zenici broj: 43 O K 185672 21 Kpp 10 od 29.03.2021. godine, Naredba Općinskog suda u Zenici broj: 43 O K 185672 21 Kpp 11 od 28.04.2021. godine, Naredba Općinskog suda u Zenici broj: 43 O K 185672 21 Kpp 12 od 27.05.2021. godine, Naredba Općinskog suda u Zenici broj: 43 O K 185672 21 Kpp 49 od 28.06.2021. godine, Naredba Općinskog suda u Zenici broj: 43 O K 185672 21 Kpp 55 od 29.07.2021. godine.

Nakon što su je na glavnom pretresu izvršen uvid u naprijed navedene dokaze, sud je ustanovio da je priznanje optuženog na glavnom pretresu potpuno i u skladu sa dokazima, kao i da je optuženi svjestan posljedica priznanja krivice, te da je do priznanja došlo dobrovoljno svjesno i sa razumijevanjem, pa je izjava prihvaćena.

U završnoj riječi kantonalni tužilac je predložio da sud optuženog oglasi krivim i izrekne mu sankciju u skladu sa zakonom.

Branilac optuženog je izjavio da nije sporna krivica optuženog i moli sud mu se prilikom izricanja krivične sankcije priznanje uzme kao olaškavajuća okolnost a da se otežavajućim okolnostima ne da preveliki značaj. Takođe, branilac optuženi je izjavio da sud prilikom izricanja sankcije uzme u obzir i stanje optuženog a posebno činjenicu da se optuženi, i pored svih poteškoća, suzdržava od upotrebe opojnih droga, da je otac dvoje djece i povremeno obavlja poslove tako što pomaže ocu koji je penzioner.

Optuženi se pridružio navodima branioca te je istakao da se kaje zbog krivičnog djela sudu daje obećanje da ubuduće neće činiti krivična djela.

Uzimajući u obzir navode optuženog, kao i dokaze u koje je izvršen uvid tokom glavnog pretresa, van svake razumne sumnje utvrđeno je da je optuženi počinio krivično djelo na način kako mu se to stavlja na teret.

U toku postupka nije utvrđeno postojanje okolnosti na strani optuženog koje bi isključivale ili bitno umanjivale njegovu uračunljivost, te je sud zaključio da je bio svjestan svog djela i htio njegovo izvršenje, čime je postupao sa direktnim umišljajem, pa ga je sud oglosio krivim.

Uvidom u izvod iz kaznene evidencije za optuženog sud je utvrdio da je ranije osuđivan i to osuđivan Presudom Općinskog suda u Kaknju broj: 36 0 K 000598 08 K pravosnažna sa danom 27.03.2009. godine za krivično djelo iz člana 336. stav 3. u vezi sa članom 332. stav 3. KZ F BiH na kaznu zatvora u trajanju od 6 mjeseci, uslovno na 1 godinu, Presudom Općinskog suda u Visokom broj: 41 0 K 017351 10 K pravosnažna sa danom 03.09.2010. godine za krivično djelo iz člana 239. stav 3. KZ F BiH na kaznu zatvora u trajanju od 3 mjeseca, uslovno na 1 godinu

Prilikom izbora i odmjeravanja krivičnopravne sankcije sud je uzeo u obzir ličnost učinioca, njegov raniji život, njegovo ponašanje poslije učinjenog krivičnog djela i stepen krivice. Pri tome, sud je u odnosu na oba krivična djela od otežavajućih okolnosti cijenio raniju osuđivanost optuženog, a što je utvrđeno uvidom u Izvod iz kaznene evidencije iz kojeg proizilazi da je osuđivan više puta, pri čemu i za krivična djela posjedovanja opojnih droga. Od olakšavajućih okolnosti sud je cijenio korektno držanje optuženog pred sudom i njegovo priznanje čime je doprinjeo bržem i efikasnije okončanju krivičnog postupka. Takođe, sud je sa posebno pažnjom cijenio činjenicu da se radi o osobi sa duševnim smetnjama, kako su to utvrdili vještaci medicinske struke, a da se i pored toga uzorno ponaša nakon izvršenja krivičnog djela, da ne koristi opojne droge, da se ne vodi postupak za novo krivično djelo, da je oženjen i otac dvoje djece, te da povremeno obavlja poslove pomažući ocu koji je penzioner.

Imajući u vidu sve navedeno, kao i zakonom propisani posebni minimum i maksimum kazni zapriječenih za konkretna krivična djela, sud je zaključio da su kazne zatvora u trajanju od deset (10) mjeseci i kazne zatvora od po dva (2) mjeseca, koje su utvrđene za krivična djela adekvatne i da će se istim postići ciljevi specijalne i generalne prevencije. U konkretnom slučaju sud našao da postoje naročito olakšavajuće okolnosti pa je primjenom člana 50. KZ FBiH, a krećući se u granicama iz člana 51. istog zakona, optuženom izrekao sankciju ispod zakonom propisanog minimuma. Sud je primjenom odredbi člana 54. KZ F BiH, uzimajući u obzir naprijed utvrđene kazne zatvora, optuženom izrekao jedinstvenu kaznu zatvora u trajanju od 1 (jedne) godine. Sud cijeni da će ovako odmjerena kazna zatvora uticati na optuženog da u budućnosti ne čini krivična djela i da će pozitivno djelovati u cilju njegovog prevaspitanja. Sud dalje nalazi da će ova kazna preventivno djelovati i na druge da poštuju pravni sistem i ne čine krivična djela, čime će biti ostvareni ciljevi specijalne i generalne prevencije, te na taj način ostvariti svrha kažnjavanja.

Optuženom su izrične sigurnosne mjere i to na osnovu člana 78. i 238. KZ FBiH i člana 52. stav 2. Zakona o nabavljanju, držanju municije ZDK, a imajući u vidu da se radi o predmetima koji su upotrebljeni za izvršenje krivičnog djela.

Na osnovu člana 202. stav 4. ZKP FBiH sud je donio odluku kojom se optuženi oslobađa od obaveze naknade troškova krivičnog postupka jer se radi o nezaposlenoj osobi bez redovnih primanja.

Zapisničar,
Jasmina Salošević

Sudija,
Miroslav Savić

POUKA:

Protiv ove presude može se izjaviti žalba Kantonalnom sudu u Zenici u roku od 15 (petnaest) dana od dana prijema prijepisa presude, a putem ovog Suda u dovoljnom broju primjeraka za sud i suprotnu stranu.